

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj predmeta: _____-2026
Broj akta: _____
Gračanica, _____ 2026. godine

Na osnovu člana 13. stav 2. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06 i 51/09), člana 13. stav 1. tačka c) i stav 3. Zakona o pripadnosti javnih prihoda u Federaciji Bosne i Hercegovine („Službene novine Federacije BiH”, broj: 22/2006, 43/2008, 74/2008 - odluka US, 22/2009, 35/2014, 94/2015 i 17/2022), člana 3. Zakona o komunalnim taksama („Službeni list SRBiH“, broj: 21/77, 35/88 i 26/89 i „Službeni glasnik BiH“, broj: 12/24 – Odluka Ustavnog suda Bosne i Hercegovine), a u vezi sa članom 1. stav (3) Zakona o poreznoj upravi Federacije Bosne i Hercegovine („Službene novine FBiH“, broj: 33/02, 28/04, 57/09, 40/10, 29/11 - odluka US, 27/12, 7/13, 71/14, 91/15 i 44/22) i člana i odredbe člana 16. Statuta Grada Gračanica („Službeni glasnik Grada Gračanica“, broj: 01/23), Gradsko vijeće Gračanica, na sjednici održanoj _____ 2026. godine, d o n o s i

**Odluka o izmjenama i dopunama Odluke
o gradski komunalnim taksama**

Član 1.

U Odluci o gradskim komunalnim taksama Grada Gračanica („Službeni glasnik Grada Gračanica“, broj: 08/24) u dijelu Tarife gradskih komunalnih taksi, Tarifni broj 2. se mijenja i glasi:

Tarifni broj 2.

Za isticanje objava, oglasa i saopštenja na javnim mjestima-površinama, komunalna taksa se plaća jednokratno i to:

a)	Za isticanje objava, oglasa i saopštenja na javnim mjestima-površinama	Za seriju do 100 kom	50,00
		Za seriju preko 100 kom	100,00
b)	Za postavljanje stalnih panoa i displej-a	po m ² godišnje	200,00

Isticanje objava, oglasa i saopštenja na javnim mjestima se vrši u skladu sa odredbama odluke kojom se tretira komunalni red na području grada.

Član 2.

U dijelu Tarife gradskih komunalnih taksi, Tarifni broj 4. se briše.

Član 3.

U dijelu Tarife gradskih komunalnih taksi, Tarifni broj 5. se mijenja na način da se briše tačka a) koja glasi: "**Postavljanje stolova ispred ugostiteljskih objekata na javnim površinama radi pružanja ugostiteljskih usluga – m² zauzete površine/dnevno – 0,50 KM**", a dosadašnje tačke b), c) i d) postaju tačke a), b) i c).

PREDSJEDAVAJUĆI
GRADSKOG VIJEĆA
Mirza Okić, s.r.

Obrazloženje

I. Pravni osnov

Pravni osnov za donošenje Odluke sadržan je u odredbama člana 13. stav 2. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06 i 51/09), člana 13. stav 1. tačka c) i stav 3. Zakona o pripadnosti javnih prihoda u Federaciji Bosne i Hercegovine („Službene novine Federacije BiH”, broj: 22/2006, 43/2008, 74/2008 - odluka US, 22/2009, 35/2014, 94/2015 i 17/2022), člana 3. Zakona o komunalnim taksama („Službeni list SRBiH“, broj: 21/77, 35/88 i 26/89 i „Službeni glasnik BiH“, broj: 12/24 – Odluka Ustavnog suda Bosne i Hercegovine), a u vezi sa članom 1. stav (3) Zakona o poreznoj upravi Federacije Bosne i Hercegovine („Službene novine FBiH“, broj: 33/02, 28/04, 57/09, 40/10, 29/11 - odluka US, 27/12, 7/13, 71/14, 91/15 i 44/22) i člana 25., a u vezi s članom 16. Statuta Grada Gračanica („Službeni glasnik Grada Gračanica“, broj: 01/23), kojim je propisano da općinska/gradska vijeća donose propise o porezima, taksama, naknadama i doprinosima jedinice lokalne samouprave u skladu sa zakonskim propisima,

II. Razlozi za donošenje

Osnovni razlog za izradu ovog Prijedloga je potreba za usklađivanjem tarifne politike sa stvarnim potrebama tržišta, poticanje privredne aktivnosti, doprinos u oživljavanju centra grada, te otklanjanje uočenih nejasnoća u primjeni ranije važeće tarife. Glavni ciljevi izmjena su:

1. **Reorganizacija oglašavanja:** Preciznije definisanje jedinica mjere za stalne panoa i displeje te usklađivanje cijena sa ostalim jedinicima lokalne samouprave u Bosni i Hercegovini;
2. **Rasterećenje ugostiteljskog sektora:** Ukidanje nameta koji opterećuju poslovanje bašti ugostiteljskih objekata u samom centru grada;

III. Obrazloženje pojedinačnih članova

Član 1. (Tarifni broj 2. - Oglašavanje) Izmjenom tačke b) ovog tarifnog broja, dosadašnja mjesečna taksa za postavljanje stalnih panoa i displeja zamjenjuje se **godišnjom taksom u iznosu od 200,00 KM/m²**. Ovom izmjenom se pojednostavljuje administracija naplate, dok se vizuelno uređenim panoima i modernim displejima daje stabilniji fiskalni okvir za poslovanje te se taksa za postavljanje stalnih panoa i displeja usklađuje sa ostalim lokalnim zajednicama u Bosni i Hercegovini.

Član 2. (Tarifni broj 4. - Brisanje) Predloženom izmjenom briše se u potpunosti Tarifni broj 4. ranija struktura ovog tarifnog broja smatra se neadekvatnom i bit će pokrivena drugom vrstom naknade.

Član 3. (Tarifni broj 5. - Ugostiteljski stolovi) Ovaj član predstavlja najznačajniju izmjenu u korist privrednika odnosno ugostiteljskih objekata jer se briše tačka a) kojom je propisano plaćanje takse od **0,50 KM po m² zauzete površine dnevno** za ugostiteljske stolove na javnim površinama čime Grad Gračanica direktno stimulise ugostitelje, posebno u ljetnom periodu, čime se doprinosi oživljavanju centra grada i turističkoj ponudi bez dodatnih dnevnih troškova za zauzimanje javne površine.

